



ÁSLANDSSKÓLI - FRÉTTABLAÐ

FLÓRGOÐINN

Aðventupistill skólastjóra

Meðal efnis í þessum Flórgoða:

- Aðventupistill skólastjóra
- Jólaböll
- Stofujól
- Jólaböll
- Heilsdagsskóli yfir hátíðirnar
- Mæðrastyrksnefnd
- Myndasyrpa
- Jólamorgunstundir

Kæru nemendur foreldrar / forráðamenn

Aðventan eða jólafasta spannar síðustu fjórar vikur fyrir jól. Þetta er sá tími sem við tökum frá til að undirbúa okkur fyrir komu frelsarans og til að minnast fæðingar hans.

Einkennislitur aðventunnar samkvæmt kirkjunni er fjólublár. Sjálf jólahátíðin ber síðan hvítan eða gylltan lit.

Margir setja aðventuljós í glugga á þessum tíma og/eða setja upp aðventukrans sem á eru fjögur kerti. Það er kveikt á fyrsta kertinu fyrsta sunnudag í aðventu, næst á tveimur, þá þremur og loks öllum fjórum. Fyrsta kertið heitir Spádómskertið, það minnir á fyrirheit spámanna Gamla testamentisins, um komu frelsarans.

Annað kertið heitir Betlehemskerðið eftir fæðingar bæ Jesús.

Þriðja kertið heitir Hirðakerðið eftir hirðingjunum sem fátækir og ómenntaðir fengu fyrst fregnina góðu um fæðingu frelsarans.

Fjórdða kertið heitir Englakertið, og minnir okkur á englana sem fluttu fréttina um fæðingu frelsarans.

Ég held að gott sé fyrir okkur öll að nota aðventuna til að huga hvort að öðru, nú þegar veröldin virkar víða öfugsnúin og ranglát.

Tökum saman þátt í viðburðum og endilega kikið við í skólanum, t.d. á jólamorgunstundum.

Þá er gott fyrir okkur að leita í fjársjóð minninganna, huga að vinum og ættingjum og rækta góðvild og góðsemi með þeim sem standa okkur næst.

Óska ykkur öllum gleðilegrar aðventu, gæfu og gleði um jól og áramót.

Undir snjó meðan gróður sefur stjörubirta á fannhvítri jörð. Löngum þar lífsins andi hefur lítil hjörtu um staðið vörð.

Leifur S. Garðarsson
Skólastjóri Áslandsskóla

GODI segir:



Gleðileg jól og farsælt komandi ár. Takk fyrir samveruna á árinu sem er að líða.

GLEÐILEG JÓL

Flórgoðinn er fréttablað Áslandsskóla.

Útgáfa blaðsins er rafræn og tölublöð má einnig finna á vefsetri skólans www.aslandsskoli.is
FORRÁÐAMENN ERU HVATTIR TIL AÐ LESA BLAÐIÐ YFIR MEÐ BÖRNUM SÍNUM.

Jóladagskrá Áslandsskóla 2010

Mánudagur 20. desember 2010

- Árgangar byrja ýmist á jólaballi eða stofujólum.
- Mæting í heimastofu.
- Jólastund í heimastofu / Gengið í falletum röðum á sal.
- Gengið í kringum jólatré við undirleik.
- Bekkir búnir að fá lög til að æfa sig – syngja með um leið og gengið er kringum jólatré.



Árgangur	Jólaball	Stofujól
1. bekkur	9:00-9:55	8:10-9:00
2. bekkur	8:10-9:00	9:00-10:00
3. bekkur	10:00-10:50	9:10-10:00
4. bekkur	11:00-11:50	10:00-11:00
5. bekkur	12:00-12:50	11:10-12:00
6. bekkur	12:50-13:20	12:00-12:50
7. bekkur	Jólaball 15.12.2010 kl. 16:00—17:30	10:00-11:30
8. bekkur	Jólaball 15.12.2010 kl. 19:30-22:00	10:00-11:30
9. bekkur	Jólaball 15.12.2010 kl. 19:30-22:00	10:00-11:30
10. bekkur	Jólaball 15.12.2010 kl. 19:30-22:00	10:00-11:30

Jólamorgunstundir

Jólamorgunstund í miðdeild

Þriðjudagur 14. desember 2010

Á sal skólans kl. 08:10

Jólamorgunstund í yngri deild

Fimmtudagur 16. desember 2010

Á sal skólans kl. 08:10

Sameiginleg jólasöngstund

Föstudagur 17. desember 2010

Á sal skólans kl. 08:10

Jólaball leikskólans Tjarnaráss með aðstoð nemenda í Flókaheimum og Hrafnsheimum

Föstudaginn 17. desember kl. 09:50 á sal skólans.

Hugsað til þeirra sem minna mega sín

Í tengslum við jólahald í skólum eru pakkaleikir á stofujólum gjarnan eitt atriðanna.

Við í Áslandsskóla höfum haft þann sið undanfarin fimm skólaár, að hver nemandi og hver starfsmaður mæti með lokað umslag með frjálsu framlagi miðvikudaginn 15. desember.

Nemendur afhenda umsjónarkennara sitt umslag.

Þessi hugsun okkar tengist einni af hornstoðunum fjórum, þjónustu við samfélagið.

Fjármunum verður síðan safnað saman og við lok síðustu skemmtunar á sal skólans, litlu-jólum í 6. bekk mánudaginn 20. desember, verður sú upphæð sem til hefur safnast afhent fulltrúa Mæðrastyrksnefndar Hafnarfjarðar.

Gert er ráð fyrir því að skólastjóri afhendi fulltrúa Mæðrastyrksnefndar það sem safnast um kl. 13:15 á sal skólans.

Heilsdagsskóli yfir hátíðir

Mánudaginn 20. desember verður skólastarf með sveigjanlegum hætti eins og tilgreint er á skóladagatali, en þá verða jólaskeiðanir.

Heilsdagsskólinn verður því opinn frá kl. 8:00 þann dag, þar sem dagskrá er með óhefðbundnum hætti.

Heilsdagsskólinn er síðan opinn í jólafríi nemenda sem hér segir:

Þriðjudaginn	21. desember	kl. 8:00—17:00
Miðvikudaginn	22. desember	kl. 8:00—17:00
Fimmtudaginn	23. desember	kl. 8:00-12:30
Mánudagur	27. desember	kl. 8:00—17:00
Þriðjudagur	28. desember	kl. 8:00—17:00
Miðvikudagur	29. desember	kl. 8:00—17:00
Fimmtudagur	30. desember	kl. 8:00-17:00

Þeir forráðamenn sem hyggjast nýta sér heilsdagsskólann í jólafríi eða breyta viðveru þann 20. desember, verða því að skrá sig á skrifstofu skólans og tilgreina dvalartíma.

Einnig þarf greiðslukvittun að fylgja sem staðfesting þess að greiðsla hafi átt sér stað. **Slíkt þarf að berast á skrifstofu skólans í síðasta lagi fimmtudaginn 16. desember. Ekki verður unnt að verða við ósk um dvöl þessa daga berist hún síðar.**

Rétt er einnig að geta þess að ákveðinn lágmarksfjöldi barna þarf dag hvern til að starfsemi sé haldið úti.

Það skal þó tekið fram að jólafrí er auðvitað frí nemenda frá skóla og oft getur verið gott að hvílast aðeins á skólatengdu starfi svo nemendur komi endurnærðir til baka.

Gjald fyrir hverja klukkustund er 223 krónur. Síðan bætist við kr. 170 pr.nesti sem er tvívegis yfir daginn auk hádegisverðar sem er 272 krónur.

Myndasyrpa frá skreytingardegi í Áslandsskóla



Kríuási 1
221 Hafnarfirði
Sími: 585 4600
Bréfsími: 585 4610
www.aslandsskoli.is
aslandsskoli@aslandsskoli.is

www.aslandsskoli.is

FLÓRGODINN
Fréttablað Áslandsskóla

Ábyrgð, hönnun, umbrot og skrif:
Leifur S. Garðarsson
skólastjóri